

BUSHE ICHALICHI CILI

NOKUYA ILYO UBUCUNSHI

BUKALAMBA TABULAISA?

 Natukontamike imitwe yesu pakashita akanono nomba mwishiwi lyepopo.

² Mweba Mushilo kibili Lesa Uwabulungami, tulefwaya uku Mutotela pali ulu uluse lwakutemwa Kwenu, pantu Iwaliba ulusuma ukucila pa mweo. Kibili twapepa ukutila Mwalatukumanya muno nshita yabushiku munshila iyaibela, nokutupela amapalo Yenu. Lekeni tumone ukuboko ukukalamba ukwatambikwa ukwakwa Kalubula uwakutemwa, ukupyunga kubalwele na kubacula. Kibili nokupela ukuboko ukwakusengelwa kuli abo abapomponteka mumusebo walubembu, muno nshita yabushiku. Ukubeta kung'anda yakwa Taata uko baleenekela ukuba.

³ Tule Mwipusha ukwibukisha bonse abo abafuma munshila kibili munshila iinono, ukutila bena pamo bengabwela mwisenge iyakwa Taata nakabili.

⁴ Kibili twapepa, muno nshita yabushiku, Shikulu, ukutila Mwalaisula amatwi ya bantu, ukumfwa i Mbila nsuma, kibili ukutila Mwalasembulula imilomo yakwa kalanda. Nokutuleka ukubafye ababomfeshiwa mubukata Bwenu. Kibili pampela yauku ukulongana, lintu twalaya muncende shesu ishalekana lekana, lekeni ukutila tulande nga balya abalefuma ku Emmausi, “Bushe imitima yesu tayacilabilima mukati kesu, ilyo Acilalanda kuli ifwe pakuya munshila?” Pantu twaipusha ico mwi Shina lya Mwana Wenu, Shikulu Yesu. Ameni.

⁵ Ndefwaya ukubelenga Amaleumbo yamo muno nshita yabushiku, mu chapitala 17 iyakwa Luka Washila, kibili nokutampila pamo mu—mu versi 26.

Kibili nga fintu cali munshiku shakwa Noe, eico efyo cili nokuba munshiku sha Mwana wa muntu.

Balelya, balenwa, baleupa abakashi, baleipela mufyupo, mpaka ubushiku ilyo Noe aingile mu bwato, kibili ilyeshi lyaihile nokonaula bena bonse.

Cimo cine nga fintu cali munshiku shakwa Loti; balelya, balenwa, baleshita, baleshitisha, balebyala, bena balekula;

Lelo ubushiku bumo bwine ubo Loti afumine mu Sodomu...umulilo na mabwe yamingu yalokele ukufuma mu muulu, nokubepaya bena bonse.

Ifyo fine efyo cili nokuba ubushiku lintu u Mwana wa muntu ali nokusokololwa.

⁶ Kibili pesambililo, Ndefwaya ukubula ukufuma mu Kutendeka, chapitala 19 na—na versi 22.

Angufyanyeni *imwe*, kibili iseni bwangu; *pantu Ine teti ncite* icintu nangu cimo *mpaka imwe mwaisa pano*.

⁷ Muno lucelo, Nacilaland pa bupingushi ubuleisa, kibili muno nshita yabushiku Ndefwaya ukutwalilapo. Tuleumfwa umwela uwakaba uwakupalamina kwa bupingushi bwakwa Lesa Wamaka yonse. Ilyo twatampa ukumfwa ifi fintu, waba mushingamo uwakumona apo twikele, kibili nenshita iyo tulepitamo.

⁸ Kibili inshita imo iyapitapo, yali ninshita yandi iyakutandalila India. Kibili ilyofye Nshilaya ku India balikwete icinkukuma icikalamba. Kibili Nalebelenga mu ma pepala ya lyashi ku India, ico icakutila panshiku shibili ilyo ilyeshi talilaisa, bamoneke abakuba abakwishiba ukutila icintu cimo calilubene, ifyuni fyonge ifinono ifyo ifyaleikala mumendo mufikulwa ifikalamba, kibili nefyaleikala ukukonka mufibumba ifikalamba ifyamabwe. India iikalamba yakwata ifibumba fyamabwe. Kibili nefyuni fyonge ifinono ifyakwete ifisansala muli yalya amendo, fyafumine mufibumba. Kibili nashonse ing'ombe ishaleiminina ukushinguluka ifikulwa fikalamba, mucungulo kasuba, mucimfule, kibili nokushinguluka ifibumba ifikalamba ifyamabwe; panshiku shibili ilyo icinkukuma tacilacitika, shonse ishi inama ne fyuni ifinono fyaile pakati ka mpanga nokwiminina.

⁹ Mwamona, palipo icintu cimo palwa ico, ukutila Lesa alesakamana pafyuni Fyakwe ifinono na panama Shakwe. Namwishiba, Lesa umo wine uwabebele ukuya mubwato, munshiku ishakubalilapo, lintu baonawilwe ku menshi, pakushimikila kwakwa Noa, ulya wine Lesa umo wine acili aletwalililapo ukuba no mweo, kibili nokuteka ileelo, kibili Alikwata ukutungulula Kwakwe pabantu Bakwe.

¹⁰ Kibili Naletontonkanya ukutila, “Nga cakutila Lesa aliba uwaposako amano nganshi pafyuni Fyakwe ifinono, na pang’ombe Shakwe napa mpaanga, ukufisenda ukufifunya kubonaushi ilyo tabulapona, cacilapo ukubika amano pabana Bakwe abo abafyalwa ku Mupashi Wakwe, abasambwa mu Mulopa Wakwe. Aliposako amano pali bena.” Kibili nga fintu Asokele ifyuni fyakwe ifinono ukuya nokufuma muncende shafiko umo fikalamo, icine cine Nincetekela ukutila Alesoka abantu Bakwe, ileelo. Ilyo twamona ifishibilo ifikalamba ifya Kwisa Kwakwe fili mupepi, Nincetekela ukutila Lesa alesoka

abantu Bakwe ukwisa capamo, kibili ukwita ukukalamba muli buno ubushiku ubwakulekelesha.

¹¹ Isambililo lyandi muno nshita ya bushiku ni: *Bushe Ichalichi Cili Nokuya Ilyo U—Ubucushi Bukalamba Tabulaisa?*

¹² Nomba inshita naipwa ukucila napafyo muletontonkanya. Yena naipwa nganshi, mpaka Nacetekela ukutila yena nimupepifye nokuba inshita iyapwa mu America. Tulifye pampela ya musebo. Kibili muno lucelo, ilyo Nacilashimikila pali Babylonii kibili ne mibele yakwe, Nacitontonkanya ukutila kuti caba icisuma nganshi muno nshita yabushiku, ukuletapo fimo ifyamuli Baibebe, ukulangisha ifyo tuli mupepi ku Kwissa kwakwa Shikulu. Kibili tulemona, ifwe ukwabula amenso yesu ayacifyalilwa, ukutila icintu cimo cilepekanishiwa ukucitura.

¹³ Kuli ica—icakupumfyanya icaba ngeco pa bantu, cena cintufye icakosa ukwesha ukukwata ukupuputulwa. Ama chalichi yali ayalekana lekana nganshi, kibili yalepusana, pamalandu wa fyakucinga fyamu filonganino. Kibili abena Kristu bali abamwenso nganshi, balemoneka kwati, bali abashaumfwa bwino. Lelo, namwishiba, cena ceni, lelo Shikulu wesi atile, “Lintu ifi fintu fikatampa ukulacitika, kulolesha nokumona,” ukutila ubulubulo bwesu nabupalamina.

¹⁴ Kibili ilyo twamona uluse Lwakwe ulukalamba, nga fintu lwena lulelangwa kuli ifwe, ukumona amaboko Yakwe ayafishibilo ifikalamba kibili nefipesha mano; ifyo, amenso yesu yali nokwisuka, munshita ishinono, ukumona. Kibili nomba catupela neci cimo icakutupela icitalaliko, ukwishiba ukutila Lesa wamu Baibebe ali no mweo ileelo. Kibili Alitemwa abana Bakwe, kibili Alebapela ukubasoka. Kibili nabo bonse ababa namano ya bumupashi, bengafumamo.

¹⁵ Kibili tulemona, munshiku isho Yesu alelandamo, Atile, “Nga fintu cali munshiku shakwa Noa, kibili munshiku shakwa Loti.”

¹⁶ Nomba, cila amampatu yanshita, Lesa lyonse apele ukwita ukwaluse ilyo takulaba ukwita kwa bupingushi.

¹⁷ Nomba nga cakutila muli abaishiba ilyashi lyakale, kibili Naliba uwakubelenga ilyashi lyakale muli uno mulungu, kibili imilungu ibili nangu itatu iyakulekelesha, ba Ante-Nicene Fathers, abalyashi lyakale ilya chalichi ilyofye Icisaka ca Nicene, kibili ilyo calepanga ichalichi ca Katolika mu myaka imyanda ikumi limo na isano iya nkulo shamfifi. Kibili Ndemonia ukutila muli kulya ukulemba kwa Nicene, nangu ilyo Icisaka ca Nicene Tacilabako, ukutila bakwetefye cimo cine nga fintu tuli ileelo. Oh, ifyo ciibwekeshapo icine!

¹⁸ Kibili nokumona imibele ya chalichi, kibili ne mibele ya bantu, kibili nefishibilo fya nshita, fyalilembwa konse konse.

¹⁹ Nomba, ilyo Lesa talacita icintu icili conse, pali cila amansansa yonse ayanshita, lyonse Alatuma uluse, malaika, kasesema, ne Mbila. Kibili nga mu nshita yonse, cibe, cena balacipampula. Ichalichi tacifwaya ukupokelela Ico.

²⁰ Noa. Alandile pali Noa apa. Kibili ashimikile imyaka umwanda umo namakumi yabili. Kibili nangufyie imbilila yakwe yali paluse, abantu bafililwe ukumfwa ku kufundisha kwakwe. Yena yali cintu cimo ico icali nokubapususha, kibili cibe bakene ukumfwa. Kibili nga cakutila ico tekutu cibe icikope icisuma nganshi icanshita shamuli buno ubushiku!

²¹ Nomba, imwe limbi kuti mwatila kuli ine, “Munyina Branham, kuti walanda shani ukutila ‘icisuma,’ kibili nokubikapo icikope ico ulebikapo kuli ifwe?”

²² Cena cisuma pantu Shikulu Yesu aleisa bwangu ku Chalichi Cakwe, kibili lyena litontonkanyo ilisuma ilyo icibumbwa conse icakwa Lesa cingatontonkanyapo; ukufuma muli ici icimfulunganya nokwingila mu Bukata Bwakwe ubwapalwa, umo abakote bakaba abaice, kibili abalwele bakondapwa umuyayaya. Takwakabe ubulanda nakabili nangu ukukalipwa kwamitwe. Nga cakutila ico tacili cintu cimo icawama ukucilapo ico Ningatontonkanyapo! Kibili ifyo caba icapalwa kuli bonse abalolela pali ilya inshita yakulongana capamo.

²³ Nomba tulesanga ukuti, nga fintu Yesu asontelete ukubwelela kunshiku shakwa Noa. Natubwelelemo kunuma, pantu Atile, “Buleni icakumwenako icabulya ubushiku.”

²⁴ Nomba, lintu Kaini na Abele. Lintu Kaini aipeye Abele, kibili nomba Sete ewabulile incende yakwe. Tulesanga ukutila Satana aleesha ukonaula lulya u Lubuto ulwali nokwisa, ulo Lesa alaile, ukutila, “U Lubuto lwa mwanakashi luli nokucena umutwe wa lubuto lwa nsoka.” Kibili Satana aleesha ukonaula lulya u Lubuto ulwa bufumu, kibili atontonkenye ukutila alicitile ico lintu aonawile Abele. Lelo Lesa aletele Sete mucifulo cakwe. Icikope icisuma nganshi icamfwa nokubuka kwakwa Kristu, kibili no Lubuto lwabufumu ukwisa.

²⁵ Lelo cintu icisuma icakumona ifyo, kulubali lwakwa Kaini, bali ababukapepa nganshi. Kibili bali abantu abaleya kuchalichi; kibili eco na Kaini aali muntu uwaleya kuchalichi. Alepepa Shikulu. Akulile icipailo. Ali wa muchalichi. Alelipila inkongole shakwe. Ali, munshila yonse nga fintu umuntu aleolesha pali ena, ukuba uwacetekela umutuntulu.

²⁶ Lelo kwabafye amabumba yatatatu aya bantu, ayo yaba, abacetekela, abashacetekela, nabaipanga ukucetekela. Kibili nesonde licilifye ilyaisulamo bena muno nshita yabushiku.

²⁷ Kibili Kaini alifye uwaleipanga ukucetekela. Kibili ukufuma mucitoto cakwe kwaishile ibumba ilikalamba ilya bantu abaleya kuchalichi, ababukapepa nganshi.

²⁸ Nomba, ici tacalecitika lyonse, lelo bushe namumona ukufuma muli ili ibumba kwaishile abantu abamibele iisuma, umutundu wabasambilila? Baibele pambilibili yalibika ico. Atile, “Balekula, kabili balecita ifintu ifikalamba.” Sayansi yafumine mucitoto icakwa Kaini. Kabili ne cikalamba icabu sayansi, naba dokota, nabantu abakalamba, bafumine mucitoto cakwa Kaini.

²⁹ Apo, kulubali lumbi kwali u—umulanda, umulimi munono-ewali umusango wabantu, lelo bali abantu abacetekete muli Lesa wabo ukuba uwaccine. O mwe Lesa, mpendedeni pamo na bena!

³⁰ Kabilifye ilyo inshita yakulekelesha tailaisa, kwali icimfulunganya. Ne chalichi cikalamba kulubali, camoneke kwati, calicimfishe, pamofye nga fintu cili ileelo, pali sayansi.

³¹ Kabili icintu cimbi icikalamba: atile, “Balekula.” Takwatala akubapo inshita mulyashi lyakale uko ukukula kwaba ukukalamba nganshi nga fintu cili nomba. Kabili cena cishibili pa fishibili fyanshita ya kumpela. Tatwatala atukwatapo inshita yakukula. Kabili nomba, nangufye mu musumba wesu uunono pano, teti Nsangepo impanga umwakuya mukulunga utululu nakabili. Konse makule yamayanda; kukulafye nokubikapo. Kabili nga cakutila kuti twaisula amenso yesu, cena cishibili cimo icakwa Lesa icilelanga ukutila impela ili mupepi.

³² Kabili twacilashimikila pali ici mulucelo lwaleelo, pali filya ifitumwa ne minshishinga, ifyo bena kuti baiminina mu Moscow, nokutuma umunshishinga ukuya pakati ka Fourth Street mu Louisville, kabili bena nokukana fuma mu Moscow. Kabili kuti caimba icilindi mu mushili, amafiti umwanda umo namakumi cine lubali na yasano ukushika, ukuya bamailoshi umwanda umo namakumo yasano ukushinguluka cena. Ifyo efyo icilindi cingaba ubukulu. Yatatufye pali ayo kuti yaonaula isonde Lyonse, nokucisunkanya ukufuma munshila yaciko. Na sayansi, mwamona ulubali uko ibelele? Yena yaba kulubali lwabubifi.

³³ Lesa enekela abana Bakwe uku Mucetekela pafintu ifyo bakwata. Lelo tufwaya ukucetekela ukuboko kwa muntu. Kuti nafwaya ukukwata isubilo lyandi ilingi ukukulwa pali Kristu, ukubula ubwiminishi Bwandi bweka pakusenamina kwakwe noluse, ukucila pe bumba lyonse ilyasambilila ilyabantu abo abengapanga akabungwe, baletila, “*Iyiine enshila*.” Kristu atile, “Nine Nshila, Icine, no Lubuuto. Kabili takuli umuntu uwingesa kuli Taata kano aishila ukupitila muli Ine.”

³⁴ Eico, kuti mwamona, bwena bushiku ubukalamba ubwa masambililo. Bwena bushiku ubukalamba ubwakulwisha kwesonde. Kabili bwino bwino napakati kaico, bafwile bakwata isonde lyafya bu sayansi ilya kulishapo ukucila pafyo tukwete nomba. Bakulile ama pyramid. Tatwakwatapo icintu nangu cimo ico icingakula ama pyramid, nga cakutila walitala ukupalamina kuli cena. Nalifikapo pali ico, mu

Egypto, nayamo ayaba ku Mexico. Kibili munshila, mwaba ifikulwa ifyakulwa ukuya mu muulu, fyaba ifintu ifyo ifingafina ukufika pamyanda yama tani, ifyakulwa palya pamuulu wacilya icikalamba, icikulwa icikalamba nganshi. Kibili caliputulwa bwino nganshi ukufuma icakutila tapabafye nangufye incende apakutila akanesala; cena caliputwilwe mukwishibisha bwino. Oh, we bushiku we ubwa sayansi! Kibili, pamo, caikala mukupwililika nganshi pakati kesonde, kibili e mulandu wine napo akasuba kaba, tapatala apaba icinshingwa ukushinguluka kena. Ndetwishika nga cakutila kuti twalingana ico, ileelo, muli sayansi wesu uwa leelo.

³⁵ Lelo Yesu atile, “Nga fintu cali muli bulya ubushiku, efyo cili nokuba pakwisa mukwisa ukwa Mwana wakwa Lesa.” Nomba, kibili Noa ashimikile imyaka umwanda umo na makumi yabili, kibili, moneni, balemuseka.

³⁶ Nomba, Yesu pamo atile, ukutila, “Nga fintu cali munshiku shakwa Loti, ukutila cili nokuba, munshiku shakwa Loti, balelya, ukunwa, ukuupa, ukuipela mufyupo, balelima, balekula, baleshitisha, baleshita.”

³⁷ Oh, takwatalile akuba ubushiku, ubo, kwali ifyamakwebo ifingi, nga leelo, ukubomfyafye motoka nafyonse. Icakutila, mpaka, kuti washita icakutalalika uno mwaka, nokulipila ama dolla ayali imyanda ine nangu isano pali ico, kibili umwaka wakonkapo tapali umuntu nangu umo uwingafwaya ico. Cena ninshi nacipita. Bushe tamulemona apo isonde ly makwebo libikile umona waliko pamupeto wakupelalapo? Iwe kuti washita motoka uno mwaka, kibili no mwaka wakonkapo kuti yena limbi yaba iisuma nga imo intu washitile lilya, lelo cena kuti cafumyako amaka ama dolla umwanda umo pakutila bena bacinjafye inkupikilo nangu balicitakofye utuntu tumo utunono utwabulamo amano kuli cena. Kwena kulandafye kwa kushitisha, ukufikilisha Baibebe.

“Nga fintu cali munshiku shakwa Noa, namushiku shakwa Loti.”

³⁸ Nangula, cila nshita, ba malaika balamoneka, bakasesema balesa, kibili nembila yabo yonse yaba kusenamina, uluse, kibili nokulubulwa. I Mbila yakwa Lesa Lyonse yaba bulubulo, ilyofye inshita yampela tailafika; mufwile ukumona mu Malembo, ifyo Noa ashimikile ukulubuka. Kibili balebaseka nokulabapumya, kibili balebapumya.

³⁹ Kibili nga fintu cali muli shilya inshiku, efyo naleelo cili. Kibili lintu waya kuntanshi ne Mbila, ukutila Kristu alibuka kubafwa, nga fintu Alaile ukutila Ali nokuilangisha Umwine palwake ukwisa. Kibili balacita ileelo, kuli iyo imbila, pamofye nga fintu bacitile ku Mbila mu bushiku bumbi.

⁴⁰ Loti afumine mu Sodomu, nokwesha mucisuma ukubula balupwa lwakwe ukukutika kumbila yaba Malaika, lelo bamupumishe kabili batile aleangalafye.

⁴¹ Oh, wecikope we icabuno ubushiku! Lintu wabaletela i Mbila yakulubula kwakwa Lesa, batila, "Iwe uleangalafye na bukapepa. Uleeshafye ukuipashanya pa cintu cimo." Libumba limo line! Wenshita we iyo tuleikalilamo! "Ukuba, bena batontonkanya ukutila ebamofye abali nokupusuka. Bena batontonka ukutila ebamofye abashimikila i Mbila nsuma."

⁴² Yesu atile, "Ifi ifishibili fili nokukonka abo abacetekela." Te Cebo candi. Cena Cebo Cakwe.

⁴³ Kabili moneni, Ndefwaya imwe mumone, bwangu bwangu, umusango wa mbila intu yali. Oh, ico caimya umutima wandi. Ilyo Natontonkanya pali Sodomu na Gomora, fyali ifyaona ulwa nganshi, mu mibele isuma, mpaka ukupilibula kwali ku ncende yonse.

⁴⁴ Lelo ilyofye tacilafika kumpela, ubonaushi bukalamba, Lesa atumine kasesema ukuya kulya. Kabili Ndetontonkanya pali, pamo, Atumine Malaika ukuya kulya, kabili Ndefwaya imwe mumone i Mbila yakwa Malaika. Abrahamu, uwasendele inshila yakwe nabanono bamo abasulwa abakwa Shikulu, aile ikala muciswebebe umo umushili tawakwete amaka.

⁴⁵ Kabili Loti aile kulya nokuyaba mwine mushi uwamu musumba, kabili ali umuntu umukalamba pakati ka lubembu. Ine tekuti mfwaye ukuba uwaishibikwa nganshi, nokuba uwalungama pamo na Lesa. Lelo Loti ali uwaishibikwa nganshi, kabili aleikala mumisebo, pa mpongolo ya musumba. Aali nikapingula pali ico icili nokwisa mukati napali ico icingengila mukati. Kabili aali palya, ukupela umweo wakwe kubulalelale, kabili nokwisha ukutila mu musumba wakwe ifintu fyamusango ifyo fyalecitika.

⁴⁶ Nga cakutila ico tecikope ice leelo, mucalo cesu; ubtantiko ubo tabafumyamo ifyabipa, imisango yonse iya fyabulamo amano, ifyabulamo ukuiteka, ukuba ifipe fyabwangalishi! Oh, kuti baonaula ico, nga cakutila balefwaya, lelo tabafwaya. Kabili teti bacite ico, pantu Lesa atile cifwile caba muli iyi nshila. Nga cakutila kuti baisulafye amenso yabo kabili nokukutuluka!

⁴⁷ Kabili, moneni, ilyo inshita yakakata tailaisa. Abraham na Sara, balya abaleikala pesamba lya cimuti camu okele, ubushiku bumo ilyo bali palya, Sara amwene a Baume bamo baleisa. Kabili aimine nokuya mwitenti.

⁴⁸ Webulekano we, ku banakashi abamuli buno ubushiku, kabili webulekano we ifyo cali mulya mu Sodomu. Kwali inshita iyo abantu baishile ku ng'anda, bonse balefwala utwakufwala twabo utwipi, kabili bafuma nokuya bula mashini yakukumpilako icani. Webulekano we!

⁴⁹ Lelo Sara aile kwitenti. Kibili lintu acitile ico, aba Baume baishile. Kibili Abrahamu aloleshe pali Bena. Balemonekafye ukuba Abaume aaibela. Kibili na Umo pali Bena alemoneka ukuba umuntu Kasosela, kibili lintu Aikele pansi nokutampa ukulanda pamo na Abrahamu . . .

⁵⁰ Abrahamu atile, “Ikala apa, kibili Nalaleta amenshi ayanono, Nalasamba amakasa Yobe. Kibili Nalapanga umukate unono. Kibili twalapekanya, kibili Walalya kamupusa kanama. Kibili nomba Walatwalilapolo.”

⁵¹ Kibili lintu aingile mwicinka, nokumonamo umutepa wang’ombe uwaina, nokuwipaya. Aebele Sara ukupanga umufuba wabunga nokupanga umukate.

⁵² Kibili alandile ku Mwana. Nincetekela ico, munshila imo nangu imbi, Abrahamu alishibe untu Ulya ali. Kibili no Muntu ulya uwali kalanda, apilibwile inuma Yakwe nokulosha kwitenti. Ewali ni Nkombe yabulya bushiku. Kibili Atile, “Abrahamu, Ndi no kukutandalila umwabela ubulayo, pa myaka amakumi yabili naisano. Napangile ubulayo kuli ifwe, kibili Ndi nokwikala pali ubo bwine.”

⁵³ Oh, libe ilyapalwa i Shina lyakwa Shikulu! Lesa apangile ubulayo, “Munshiku shakulekelesha, Ali nokupongolola u Mupashi Wakwe pa bantu,” kibili Ali nokwikala nabwena. Yesu apangile ubulayo, kibili atile, “Ifintu ifyo Ncita naimwe muli nokucita pamo,” kibili Ali nokwikala nabwena, pantu Mulungami.

⁵⁴ Kibili Abrahamu aloleshe pali Ena. Kibili Atile, “Nga inoine inshita uyu umweshi uuli nokukonkapo, umwabela umweo,” ico cali pamo na Sara, “Ndi nokukutandalila, kibili Sara ali nokufyala umwana untu Nalaile.” Nomba, Abrahamu akwete umwanda umo iyakufyalwa, kibili Sara akwete amakumi pubula.

⁵⁵ Kibili Sara, kunuma yakwa Malaika, mukati ke tenti, aingile . . . nokuseka.

⁵⁶ Kibili Malaika, ne numa Yakwe iyafutatila, atile, “Mulandu nshi Sara acisekela?” Ulya ali ni Nkombe. Oh, bushe namwishiba ico Ndelandapo? Wali musango nshi ulya uwakubelenga amano, ne numa Yakwe iyafutatila kwitenti, naena mukati? Kibili amwentwile. Kibili Atile, “Mulandu nshi acisekela?” Alicishibe. Kibili iyo eyali i Mbila yakulekelesha ilyo Sodomu na Gomora tafilapya. Munyina, nga cakutila wa Yumfwa, muno nshita yabushiku, yena nomba ni Mbila yakulekelesha ilyo ici calo tacilapya. Mwamona imibile yakwa Malaika? Ali ninani ulya Malaika? Ali ni Lesa.

⁵⁷ Ibukisheni, Abrahamu amwitile Ena, “Shikulu.” Kibili necakupilibula palya ni “Elohimu, umukalamba, Yehova wamaka.” Cali ni Yesu Kristu uwafyelwe mu mubili umbi.

⁵⁸ Umuntu umo atile, "Bushe ulepilibula ukulanda ifyo efyo cali...? Nimumusango nshi Akwatilemo ulya umubili?"

⁵⁹ Mulandu nshi, Abetilefyе ukutila niba Malaika babili. Nokupema umupu uunono, *ngefyо*, kabilo notuntu utunono nomucele nemito fyafumine capamo, kabilo Gabriele anyantile muli imo, na Malaika umbi muli imbi. Kabilo Aipangile imo palwakwe Umwine eka.

⁶⁰ Libe ilyapwalwa i Shina Lyakwe ilya mushilo! Ndi uwansansa nganshi, muno nshita yabushiku, pakwishiba ulya umowine Lesa Uwamaka yonse, Uyo uwaipangile Umwine umubili uwakwikalamo, ukucetekela kwandi kwaba muli Ena, ukutila ubushiku bumo Ali nokwimya uyu umo, nga fintu Alaya ukucita.

⁶¹ Kabilo Ali pakati kesu, ukucita cilya cine icintu cimo cine cintu Acitile kulya. Oh, lilumbwe i Shina Lyakwe ilya bukata; ukutupela icakusoka, ukulanda kuli ifwe, ukutweba ukuipekanya. Ifyo fine, Atile, "Pakashita akanono ne sonde talyaka Mone nakabili. Cibe, imwe Mukamona, pantu Nkaba pamo naimwe, nangufye muli imwe, kumpela yesonde." Wenshita we iyo tuleikalilamo!

⁶² Moneni, Malaika ulya uwaletele umulilo, e Umo Uwacitile cilya icisungusho. Kabilo bonse twalishiba ukutila isonde lili nokonaulwa, munshita iili nokukonkapo, ukupitila mu mulilo. Kabilo Malaika ulya uwatuminwe ku Sodomu na Gomora... Lolesheni ico Yesu alandile. Oh, cena calenga umweo wandi ukusumbulwa ukufika kuli ico. "Nga fintu cali munshiku shakwa Noa, efyo cili nokuba pakwisa kwa Mwana wa muntu." Cinshi ico Malaika acitile? Akwete umupashi wakulingulula. Kabilo Atile, "Nga fintu cali lilya, efyo cili nokuba lintu u Mwana wa muntu ali nokusokololwa ukufuma mu Muulu." Bushe mwacimona? Tontonkanyenifye, ukutila, pakati kesu nomba napeminina ulya Malaika umowine uwakwa Lesa, uyo uushili umbi kano Shikulu Yesu Kristu, mumibele ya Mupashi wa Mushilo. Ali pakati kesu, "Muli bulya ubushiku." Kabilo Ali ni Lesa, kabilo iyo eyali ni Mbila Yakwe ilyofye ubonaushi tabulaisa.

⁶³ Nomba twalamona ukutila yali ni Mbila iya bulubulo. Aikile nokwesha ukulubula abantu, kabilo bakene uku Mumfwa.

⁶⁴ Kabilo, ileelo, cena cintu cimo cine mu calo cesu, pakati ka bantu besu. Nalikwete insambu ishakumona Shikulu Yesu wesu, mukulongan, alacita ifishibili kabilo nefipesha mano ne fintu ifikalamba. Kabilo na bantu kuti baimininafye pa cintamba nokwishiba, ukucila pakutwishika, ukutila u—ukutila umukalamba, uushifwa, Lesa uusangwa konse konse nokubomba umusango umowine uwafisungusho; kabilo bena bena kuti baimininna palya nokusheta switi yamupila nokufumapo pa cintamba, kukukana sakamana. Tabasakamana.

⁶⁵ Cilemoneka kuli ine, kwati, nga cakutila umuntu alikwete umusango onse uwa bumupashi pali ena, nangu u Mupashi wakwa Lesa muli ena, kibili lintu amona Shikulu Yesu acitafye ico Alandile ukutila Ali nokucita, cena kuti casumbula umutima wakwe munshila yaba ifyo, icakutila teti akane nakabili. Tekuti apose icalo mu mulilo ne Mbila. "Nga fintu cali muli nshiku shilya," Atile, "eico efyo cili nokuba."

⁶⁶ Ilya imbila yatwelwe, kibili basekelefyen pali yena nokuipumya, ngo muntu umo uwalelanda imilumbe. Lelo cali caluse, kibili cali icakusenamina, kibili cali icabulubulo. Oh, owe!

⁶⁷ Kibili Malaika alandile, lulya ulucelo, kuli Loti, panuma Apele imbila; Atile, "Angufyanya, ukwisa bwangu, pantu teti Ncite icili conse mpaka iwe waisa bwangu." Ndefwaya mumone ici nomba, pantu tufwile twaputwila apa, pamulandu wakupepela abali mumilongo. Bushe namumona ico Malaika alandile? "Tekuti ncite nangu cimo mpaka iwe waisa bwangu." Yali ni cinshi? Yali nimbla yabulubulo. Kibili ilyo akanono kamo akamulilo takalapona ukufuma mu Muulu, Loti ali nokufuma mu Sodomu.

⁶⁸ Kibili ilyo itoni limo talilapona ukufuma mu Muulu, Noa aingile mubwato.

⁶⁹ Kibili ilyo ibomba lyonaula talilapona muli cino calo, i Chalichi cili nokuya mu Kusumbulwa, ukuya mukukumanya Shikulu Yesu. Kibili nga cakutila filya ifitumwa neminshinga fyabikwa, kibili nenondo shatintwa ukubwelela kunuma, ba Malaika bonse nabeminina mu mutande. Alleluya! Inshila ishikalamba isha mu Muulu nashisula. Bansango bonse nababikwa bwino. Amabumba yabakalisha bakalamba kale kale nayapitulukamo. Kuli inshita yakwisa ku Mwesu nombaline, ku Chalichi cakwa Lesa wamweo, abo abalelolela pa Kwisa Kwakwe. Ifintu fyonse fili mu mutande. Ndi uwansansa nganshi. Ndeba uwanaka nganshi. Oh, pali ilya inshita iikalamba!

⁷⁰ Kibili ukutontonkanya, ukutila, twalikwata ulubali muli iyi inshita yakupatukana! Mwibukishefye ukutila, "Efyo cikaba pakwisa kwa Mwana wa muntu, lin tu u Mwana wa muntu akalasokololwa ukufuma mu Muulu."

Nomba, ibukisheni, ilyo imfula tailapona, Noa aingile mubwato.

⁷¹ Ilyo umulilo taulapona, Loti afumine mu Sodomu. Pantu, Malaika atile, "Tekuti Ncite nangu cimo mpaka iwe waisa bwangu. Ninkwata icakwimishako mukuboko kwandi, ukutinta nokuleka umulilo ukupona ukufuma mu Muulu."

⁷² Kibili Ndetontonkanya ico cili bwino bwinofye. Malaika wa bonaushi ewaikatilila ukuboko kwakwa Russia, pamo na mabomba ya bonaushi; mpaka i Chalichi caisa capamo, kibili no Mubili umo uukalamba uwakwa Kristu. "Tekuti ncite nangu

cimo mpaka iwe waisa bwangu.” Oh, nga cakutila ico tacili kupalwa ukwashininkishiwa!

⁷³ Kibili nga twamona ukutila ifintu fyonse nafibikwa mu mutande, ukuya ku Mwesu ukwa Chalichi kuli mumutande. Apa pali Malaika uwakwa Lesa ne Mbila imoine, alecita ifishibilo fimo fine, ne fipesha mano fimo fine, ifintu fyonse nafibikwa mu mutande. Branham Tabernacle, imyaka amakumi yabili na isano iyapitapo, mupepi, Nalandile ici cintu cimo cine kuno ku cintamba kibili namyebele ifi fintu ukutila fili nokulacitika, muli shimo shino inshiku. Pano epochili! Tuli munshita yakulekelesha. Amampatu yali pano. Tuli mupepi ne nshita yakuya ku Mwesu iya Chalichi.

⁷⁴ Bakapumya, baletuseka, baletupumya, baletushenteka, pamo nga fintu cali ku Mfumu Nebukadnezzala na Belteshazza. Eico efyo cali mu nshiku shakulekelesha ishakwa Noah. Eico efyo cali na munshiku shakwa Loti. Kibili balecita icintu cimo cine ileelo.

“Tekuti Ncite nangu cimo mpaka iwe waisa bwangu.”

⁷⁵ Ndefwaya imwe mumone, Loti afumine mu cintu cimo ico icali nokumonaula, kibili Noa aingile mucintu cimo ico icamupuswishe. Kibili ico e cakupashanya ica Chalichi. Ifwe kufuma mwisonde, kibili nokufuma munkulo yakwa Elvis Presley na Arthur Godfrey abo abaleikala mukati. Fumeni mwisonde nokuya muli Kristu! Fumeni mwisonde. “Bena ba mwisonde, bena aba mwisonde bali nokonaulwa pamo ne sonde.” Abo ababa muli Kristu bali nokuya ku Mwesu pamo na Kristu. “Nabo abafwila muli Kristu Lesa ali Nokwisa pamo nabena lintu Akesa.” Twafuma mwisonde, nokuya muli Kristu mukucingililwa. Oh!

⁷⁶ “Lelo tekuti Ncite nangu cimo mpaka iwe waisa.” Nalitemwa ico. “Angufyanya! Butuka!” Imbila yali iyamukampapa. “Angufyanya! Angufyanya! Butuka!”

⁷⁷ Libe ilyapalwa i Shina lyakwa Shikulu! Yesu ewalaile iyi i Mbila nsuma ili nokushimikilwa. Ico cilacitwa nomba pamyaka ne myaka. Kibili cili pano pampela ya nshita, icishibilo icikalamba icakulekelesha. Ilyofye ba Malaika tabalabilikisha, “Angufyanya,” Apilibwike nokutila, “Mulandu nshi Sara acisekela?” Malaika uwabonaushi, Atile, “Nalyumfwa palwa membu shabo, kibili Ninjikila ninjisa ukumona nga cakutila cena cali icacine nangu iyo.” Kibili Asangile ukutila cali e cine. Kibili ne mbila nsuma yali kusenamina, noluse, nokulubuka. Lelo, “Angufyanya! Angufyanya!”

⁷⁸ Oh, mwe bana, tekwikalafye nokulasunguka. Angufyanyeni! Angufyanyeni! Angufyanyeni bwangu! Inshita naipwa. Butukeni (ukuya kwisa?) ukufuma kwati fintu ifyuni finono fyacitile, ukufuma muli ifi ifibumba fikalamba ifyanomba ifyakwa Babyloni, muli ifi ifilonganino fikalamba ifyakale

ifitila, "Tapaba ubulekano munshita." Aya ayakalamba amachalichi yakale ayashicetekela ayatila, "Takwaba icintu icaba ngo bundapishi bwamaka yakwa Lesa. Takwaba ifisungusho." Fumeni kuli ifyo ifibumba, pantu fili nokutobaika nokupona. Fileya mukonaulwa na mukucimfiwa, pantu Lesa wandi efyo alanda.

⁷⁹ Butukeni nokuya pakati ka Kalbale kulya kwishilya! Nga cakutila ifyuni fyaile kufimuti, kabiyen i ku cimuti, pamo, pali cilya icimuti apo Kristu atanikwe. Palya pakati akaluse Lwakwe, nokulanda kuli Lesa mpaka imfula yacimwela yapita.

⁸⁰ Angufyanya! Butuka! "Ukwisa bwangu, pantu teti Ncite nangu cimo mpaka iwe wafuma." Alekulolela. Fumako kuli ifi ifintu fyanomba. Fumako kuli ico icitunshi tunshi ico icakwata ifya kwangala fumako. Isa... Shimya ico icilimba ilyo uku ukushana kwakuya kuntanshi na kunuma kwatampa. Imicitile yobe ibe nga namayo. Ufwale nga namayo. Imicitile yobe ibe ngo mwaume. Ufwale ngo mwaume. Ulande ngo mwina Kristu. Wikale ngo mwina Kristu. Oce amalalo yonse. Angufyanya! Fuma! Ukonaulwa kuli mupepi. Lesa nalwala nokutendwa.

⁸¹ Oh, inshita naipwa ukucila pafyo uletontonkanya. Inshita naipwa. Uluse lwakwa Malaika, Malaika wa luse Uyo uwatumine i Mbila Yakwe, ali pano muno nshita yabushiku. Bushe naucetekela ico? Bushe i Chalichi cili nokuya munshita ya Bucushi bukalamba?

⁸² Lolesheni, Israele aile mu Gosheni, kibili Egypto yaile mu mfifi. Egypto yaingile mu Gosheni, yasendelwe ukuya ku calo ca bulayo. Egypto yaile mu mfifi, kibili yashikilwe muli Bemba Wafwa.

⁸³ Angufyanya! Angufyanya! Butuka! Iyo kuti yaba inshita yobe iyakulekelesha. Kibili ibukisha, tulemona iminshishinga ilebikwa. Tuleyumfwa, tulemona pali ico mwipepala. Isonde lyonse liletutuma. Ifintu fyonsen ifyo Lesa alandile filefikilishiwa.

⁸⁴ Nomba nga palwa ico? "Mubushiku ubo u Mwana wa muntu ali nokuisokolola Umwine eka ukufuma mu Muulu." Umwana wa muntu ni cinschi, ukuba uwasokololwa? Yesu Kristu aba cimo cine mailo, ileelo, no muyayaya. Lolesheni pa versi 21, nangu pa versi 30, cena cili.

*Nangufye cili nokuba munshiku lintu isho u Mwana
wa muntu ali nokusokololwa ukufuma mu muulu.*

⁸⁵ Cinschi ico? Ishi i Mbila ishakutila... Ici icintu tacatala acicitika ukutula apo Yesu aikele pano pesonde. Kibili cili apa, pampela yankulo ya Benafyalo. Natuloleshe pali icofye pansiha iinono, nokutontonkanya apakalamba.

⁸⁶ Lintu Yesu ali pano pesonde, Talandile ukuba kondapa. Atile, "Te Ine neucita imilimo; ni Taata Wandi. Lelo Ncitatife ico Taata anangisha Ine ukucita." Yohane Washila 5:19, Atile, "Icine,

cine, Ndetila kuli imwe, u Mwana wa muntu tekuti acite nangu cimo pa Mwine eka, lelo ni Amona Wishi alecita.”

⁸⁷ Nga kuti mwamona Filipi, lintu apilibwilwe mukubalilapo. Iyo... Mukubalilapo atampile ubupyungishi Bwakwe, Shikulu Yesu, cinshi icacitike?

⁸⁸ Lekeni tumone ifyo u Mwana wa muntu ali nokuisokolola Umwine palwakwe. Nga cakutila Aba cimo cine mailo, ileelo, no muyayaya, Ali nokuisokolola Umwine eka nga fintu Acitile mailo. Nga cakutila Asokolola cimo cine, Afwile asokolola i Mbila imoine. Mumutalalila, nokumona.

⁸⁹ Lintu Petro aishile kuli Ena panuma yabupyungishi Bwakwe, muli Yohane Washila 1. Petro aendele ukuya kuli Ena. Taleitwa Petro pali ilya inshita; aleitwa ishina limbi. Kibili lintu aendele ukuya kuli Ena, Atile, “Niwe Simoni, na wiso ni Yona.”

Umulondo uwesabi uwakale atontonkenye, “Nimumusango nshi Anjishibilamo?”

⁹⁰ Kibili lintu Filipi, afumine ku Bethesda, pamo, aile kulya kulupili, kibili asangile cibusa, Natnaele, pesamba lyacimuti alepepa. Atile, “Isa, umone untu tusangile: Yesu umwina Nazareth, umwana wakwa Yosefe.”

Moneni nomba fintu Aisokolwele Umwine eka.

⁹¹ Kibili atile, “Nomba bushe kuti kwabako icintu icisuma icingafuma ku Nasareti?”

⁹² Atile, “Isa nokumona.” Ubo ebwasuko ubwa wamisha ubo umuntu uuli onse engapela kuli umbi. Taufwle ukususha ico. Isa, nokufwailisha palobe wemwine weka. Oh, nga cakutila kuti twabafye abacishinka, ileelo.

⁹³ Kibili munshila pakuya, atampile ukumutungulula. Umulandu, alandile ukutila, “Petro, mailo, ali muntu... Kefasi, namumwishiba umulondo wesabi uwakale?”

“Ee.”

⁹⁴ “Aendele nokuya kuli uyu Muntu, kibili Amwebele untu ali na untu wishi ali.”

“Ah,” atile Natanaele, “Nshishibe palwa ico.”

⁹⁵ Kibili lintu aendele ukuya apo Yesu ali, ukuya pamulongo apo Alepelako abalwele, Yesu alashile yalya amenso pali ena, kibili Atile, “Moneni umwina Israele umo umushaba ububi.”

⁹⁶ Aishibe shani ukutila Ali mwina Israele? Aba Greeki nabonse, balefwala ifyapalana kibili balemoneka abapalana. Aishibe shani ukutila Ali mwina Israele? Ali ni Lesa ewaleisokolola mu mubili. Cinshi ico Acitile? Aloleshe kibili Ali mumwene.

Atile, “Ninshita nshi Wanjishibe, Kafundisha?”

⁹⁷ Atile, “Ilyo Filipi talakwita, lintu waciba mwisamba lyacimuti, Nacikumona.”

⁹⁸ Atile, “Ico capwisha ico conse. Iwe uli Mwana wakwa Lesa. Uli Mfumu yakwa Israele.”

⁹⁹ Yesu atile, “Pantu Nakweba ici, bushe wacetekela?” Atile, “Nomba kuti wamona icintu icikalamba ukucila pali ici.”

¹⁰⁰ Lelo membala uwamu chalichi uushacetekela aiminine. Oh, ukubafye uwamucinshi kabilu uwafinininwa nga fintu bali. Icine cine. Baiminine palya nefya masambililo yakalamba, nama seminale yakusambilila ifya mapepo yakalamba ayawkwata ifyakwishiha. Batile, “Uyu Muntu ni kasobela wafya kuntanshi. Ni Belesebuli.”

¹⁰¹ Yesu atile, “Mwalanda ico kuli Ine, Nalamyeela. Lelo lintu Mupashi wa Mushilo aisa nokucita icintu cimo cine, ishiwi limo ukulanda ubu Talyakale alyelwelwa, muli lino isonde nangu isonde ilili nokwisa.”

¹⁰² Kwali umwanakashi munono uwakwete ubufya bwa mulopa. Kabilu ailepita mwibumba nokwikata ikufyakufwala Fyakwe, pantu alandile mukati kakwe, “Nga cakutila kuti Naikata uyu Muntu, Nalapola.” Amwiketemo Ena. Nokubutukila mwibumba, no kwikalako, nangu conse ico acitile.

Kibili Yesu apilibwike, atile, “Ninani Uwanjikatamo?”

¹⁰³ Petro a Mukalipile. Atile, “Mona, ibumba elile Kukumya. Mulandu nshi Walandila ifyo ‘Ninani uu Nkumishemo?’”

¹⁰⁴ Atile, “Lelo Naumfwa ukunaka. Amaka, nangu ukukosa, fyafuma muli Ine.” Kibili Aloleshe ukushinguluka, na yalya menso, mpaka Amusangile. Nimumusango nshi Acitilemo ico? Ico tatwishibe. Lelo Aba cimo cine mailo, ileelo, no moyayaya. Kibili Aisokolwele Umwine ku calo caba Yuda muli uyo musango.

¹⁰⁵ Lintu Aishile ku bena Samaliya, umwanakashi ali pa cishima, umwanakashi uwatemwikwa umwina Samaliya.

¹⁰⁶ Ibukisheni, kwabafye ifyalo fitatu ifya bantu. Abo, ba Yuda, abena Fyalo, nabena Samaliya; Hamu, Shemu, na bantu bakwa Yafeti. Kibili abena Samaliya bali citika umu Yuda na citika Umwinafyalo. Kibili muleibukisha lintu cantampile, lintu baupile abanakashi babo, nefyaba ingefyo.

¹⁰⁷ Kibili uyu umwanakashi umwaice alishile kulya, uyo untu twacetekela mucalo cesu ukuba umwanakashi uwamibebe yabipa, lelo tali ifyo. Uyu mulumendo ukufuma ku India kuti akweba ico. Ili li Buuku lyaku kabanga, kibili iwe uleesha ukubelenga na masambililo ya ku mbonshi.

¹⁰⁸ Lintu Naile ku India, nokufuma mu—mundeke yamulwelele, ku Bombay, kwali bishopo wamu chalichi ca Methodisti, kibili nabonse, abaiminine palya. Atile, “Tauletweba ukutila niwe

minshoni, Mista Branham. Twalishiba ifingi pali Baibele ukucila ifyo imwe mwe Bekala calo mwaishiba.” Kibili neco ecine. Atile, “Twakwete Baibele imyaka amakana yabili ilyo tamulati mube icalo.” Ico nacilungama. Ichalichi cakwa Thomas Washila cicilipo kulya, apo Thomas Washila aleya muku shimikila. “Lelo,” atile, “ifwe twalyumfwa ukuti Lesa alikutandalila, pakuleka iyi Baibele ukubapo nakabili.” Atile, “Ico eco tulefwaya ukwishiba.” Ifyo fine. Icalo cili ne nsala ya mukate wa mweo.

¹⁰⁹ Uyu mwanakashi umwina Samaliya, lintu aiminine pa cishima, Yesu atile kuli ena, “We mwanakashi, Mpelako amenshi yakunwa.”

¹¹⁰ Ukuba, atile twalikwata ukupatulukana. Lelo Amulekele ukutila eshibe ukuti tapali ubupusano. Lesa apangile, ku mulopa umo, abantu bonse.

¹¹¹ Kibili Atile, “Ngacakutila iwe walishibe Uyo ulelandako, nga Naunomba amenshi yakunwa.”

¹¹² Kibili nokulanshanya kwaterwalililepo mpaka Aikete umupashi wakwe. Elyo nomba Aishibe ifyo ubwafya bwakwe bwali. Atile, “Kabiye nokuya leta umulume obe kibili wise kuno.”

¹¹³ Cinshi icacitike lintu umu Yuda bamwebele ico? Umu Yuda atile, “Iwe uli Mwana wakwa Lesa.” Ico nacilungama.

¹¹⁴ Cinshi cacitike kumwina Samaliya lintu bamwebele ico, atile, “Kabiye kalete umulume obe kibili wise kuno”?

¹¹⁵ Atile, “Mukwai, nailuka ukutila Niwe Kasesema. Nomba, natwishiba ukutila lintu Messiya, uwitwa Kristu, lintu Ali nokwisa, Ali nokutweba ifi fintu. Lelo niwe Nani?”

Kibili atile, “Nine Neulelanda kuli iwe.”

¹¹⁶ Abutukile mu musumba, nokutila, “Iseni, mumone u Muntu uyo uwanjeba ifintu ifyo Nacita. Bushe uyu te Messiya?”

¹¹⁷ Kibili Tatalile acita ico, pansiita imo, kubena Fyalo. Mulandunshi? Acilekelefye caba mpaka nabuno bushiku. Ico eco Alandile pano, “Munshiku isho u Mwana wa muntu akaisokolola Umwine ukufuma ku Muulu.” Aleisokolola Umwine palwakwe nomba, ku Chalichi, paluse. Inshita imbi ilyo Akaisokolola Umwine, nipa konaula, kuli bonse abo abakene i Mbila.

¹¹⁸ Lesa atukwatile uluse . . . kuli ifwe, ilyo tulepepa pakashita akanono nombaline. *Mukutekanya Kibili Mukubauwanakilila*, Nkashi Gertie, nga cakutila kuti bwaba ubufwayo bobe.

¹¹⁹ Ndesungukafye, munshita yabushiku, ukumfwafye uluse kuli imwe mwebeminine ukushinguluka icibumba. Kibili Ndeumfwa nefyo muleenekela. Ndeingililamofye, oh, nga cakutila kuti mwaba abacinshika kuli imwe mwebene mweka kibili nakuli Lesa, pakashitafye akanono.

¹²⁰ Bushe icinecine mulefwaya ukwangufyanya no kufuma muli ici? Kuliko u Muntu uulipo munshita ino iya bushiku, uuleitwa Shikulu Yesu. Nakukwatila itiketi lyobe, kabili ico uwfile ukucitafye ku Mupela umutima obe. Alinokusamba ico mu Mulopa Wakwe Umwine, no kukuwamya ukufuma kulubembu lonse no kutwishiaka, kabili nokukutwala ku Muulu Wakwe lintu Ali nokwisa.

¹²¹ Kabili limbi kuti aisa ilyo takulaba ulucelo, ifya kutumwa. Tapali nangu cimo ico sayansi alanda... Mulacumfwa, cila bushiku, pa cilimba, lintu baba pacitunshi tunshi, lintu baleipusha kuli aba abafyabu sayansi. Batila, "Takwaba icintu cakulesha ili isonde ukukana lepaulwa pashita ili yonse." Cisendafye ukunwa ukwawama ukwa Vodka, kabili bali nokutinta icakwimya, ninshi neco capwa.

¹²² Angufyanya! I Mbila ili iyakwangufyanya. Angufyanya! Butuka! Pususheni umweo wenu! Mufume muli ico. Fumeni muli uyu Babyloni wanomba. Talukeni ukufuma ku fibumba. Bushe tamuleumfwa icintu cimo iciletinta mu mutima wenu? Nga cakutila uli uwabumupashi icine cine, kabili na Lesa alelanda kuli iwe! Icine cine, nga cakutila Alandile kuli filya ifyuni ifinono, Kuti alanda nakuli iwe.

¹²³ Bushe kuti waimya ukuboko kobe kuli Ena? Tatukwete incende iya kubikapo abantu ukwisashinguluka pa cipailo. Nga cakutila kuti waimyakofye ukuboko kobe, nokutila, "Lesa, beni abaluse kuli ine." Lesa akupale, munyina. Lesa akupale. Oh, owe! Konse mucikulwa. Nshishibe amaboko ayemishiwe. "Beni abaluse kuli ine, O mwe Lesa. Uku ekuboko kwandi. Ndefwaya ukubutuka, Shikulu. Ilyo ulucelo talulaisa, limbi Nacumfwa ukubilikisha, Nacilolesha kabili nomukolamfula waciba uleselela ukupita mumakumbi, u Mwana wa muntu ali nokwisa."

¹²⁴ Ubo e bushiku ubwabipisha, ubo wapushilemo inshita yobe. Waiminine uwalungama mu chalichi cobe, bushe teifyo? "Oh," iwe watile, "bamayo bali muli ici." Ico nacilungama, munyina. Ico nacilungama, nkashi. Lelo ipusukilo lyaba noko talyakatale ukukwingisha mukati. Banoko baikeli mu bushiku bumo, kabili naiwe uleikala mubushiku bumbi.

¹²⁵ Umfwa ku Mbila yakwa Shikulu, kabili umfwa ukusoka kwa Mupashi. Bushe wali Mupashi wamusango Nshi, ulya Umo uwalingululwile ifyo Sara asekele mukati ke tenti? Ni Malaika wakwa Shikulu.

¹²⁶ Nomba ne mitwe yenu iyakontama, Ndefwaya ukupepela cila umo pali imwe.

¹²⁷ Cinshi ico wacicita lintu wacimyako ukuboko kobe? Iwe kuti watila, "Bushe cacipilibula icintu icili conse, Munyina Branham?" Icine cine cacicita. Nga cakutila mucituntulu wacipilibula ico, cacipilibula ubupusano pakati ka mfwia no

Mweo. I Mbila ili iya kwangufyanya. Bushe tekuti wimyeko ukuboko kobe nombaline? “Beni abaluse, mwe Lesa, kuli ine.”

¹²⁸ Lesa akupale we mukashana munono. Lesa akupale namayo. Lesa akupale; iwe, iwe, we mwana; iwe, iwe, we mulumendo. Abana abanono abali pali fino ifipailo mwebemisheko amaboko yenu pamuulu. Ukuba, paleni imitima yabo iinono!

Imwe mwatila, “Tabalepilibula ico.” Oh, ee, balecita.

¹²⁹ Yesu atile, “Mwilesha abana banono ukwisa kuli Ine, mwibalesha, pantu ifyo efyaba nobufumu bwakwa Lesa.” Tekuti bekale ukuba abakula. Lelo, bali nokuba. Tabali noku...Bali nokubutuka, limbi, ifintu fyonse ifikalamba ifyo twakwata ukupitamo.

¹³⁰ “Lesa, abe uwaluse!” Lintu iwe waimyako amaboko yobe, cilelangisha ukutila paliko icintu cimo muli iwe icipangile ubusalo. Umubili obe kuti wafwa nga cakutila tapali icintu cimo muli iwe, ico icacitila, “Imyako amaboko yobe.” Uyo waciba e Mupashi. Nomba wacimyako. Lesa aciba kambone pali ico. U Mupashi ewacikulenga ukwimya ukuboko kobe.

¹³¹ Lesa amipale, nabana bonse abanono palya. Nabonse abanono, abana abafita, pamo, abali palya, Lesa apale imitima yenu iinono, mwebatemwikwa. Lesa alimitewa. Icine cine.

¹³² Tuli nokufuma pano, muli bumuo muli ishi inshiku. Nshishibe ilyo cikaba, lelo bwena—bwena buleisa. Angufyanya, bwangu bwangu, wingile mu bufumu! Iwe kuti watila, “Ukuba, Nalyumfwapo ico kunuma.” Iwe limbi kuti wacumfwa inshita yakulekelesha, pamo. Leka iyi ibe inshita.

Lesa amipale uko kunuma, namayo uwacaice.

¹³³ Fumeniko kuli fyonse ifi fintu ifikalamba ifyanomba, kuli ifibumba ifyakale. Fyonse fili nokupona panshi. Fyonse ifi ifyakushana ukuya kuntanshi-na-kunuma kibili nafyonse ifi fintu fikonaika pamo ne sonde. Taufwile ukubikwamo mwisonde. Fumamo mulya. Lesa aleisa ku Chalichi Cakwe. Ali kusala, uyo wine e mulandu Alelandila kuli iwe. I Mbila ili mu kwangufyanya. Isa bwangu bwangu!

¹³⁴ Nomba, ilyo tulepepa, ba uwacishinka nomba nokwipusha Lesa ukuba noluse pali iwe.

¹³⁵ Shikulu Mwebapalwa, limbi kuti kwaba abantu pano abo abashatala abomona ukubomba ukwa maka yakwa Lesa kunuma, lelo icintu cimo mukati ka mitima yabo nacilanda ukutila, “Imyeniko amaboko yenu. Ico Nine.” Kibili nabamona ukutila kuli ukwita ukwamukwangufyanya. Bena, balikwata amano ayakalamba ukulolesha konse nokumona ukutila kuliko icintu cimo icileipekanya ukucitika.

¹³⁶ Abana abanono, abengi na bemya amaboko yabo ayanono pamuulu. Lesa, beni abaluse kuli bena. Abengi abakalamba nabamunshiku wapakati, nabemyako amaboko yabo pamuulu.

Imisepela naimyako amaboko yaiko pa muulu. Balefwaya uluse, mwe Lesa. Kibili Ndi nensansa ishingi ukwishiba ukutila ukusokolola ukwakubalilapo ukwakwa Kristu luse; ukusokolola kwa cibili bupingushi. O mwe Lesa, Natotela pali aba bonse abasenda uluse muno nshita yabushiku, umusebo waluse. “Balipalwa abacita uluse, pantu bakapokelela uluse. Balipalwa abakwata insala ne cilaka ica bulungami; pantu bakekushiwa.”

¹³⁷ Asheni ulubuuto lwabo, muno nshita yabushiku, Shikulu. Lekeni babe inyali ishabikwa palupili, isho tabengafisa, lelo peleni ulubuuto kuma sukuulu ne ncende uko bali nokuba abalundwa, ukufuma pano ukuya kuntanshi. Fikilisheni ico, Shikulu. Lekeni babe ulubuuto ulo ululi nokubengeshima pamulandu wa bukata bwakwa Lesa. Bapaleni.

¹³⁸ Kibili mu bushiku bumo, mwisonde ilisuma, Shikulu, lekeni ifwe bonse tukakumane ukushinguluka lilya itebulo ilikalamba ilyakwa Lesa, pali cilya icakulya ca Cungulo ica Bwinga. Bikeni u Mupashi Wenu pali ifwe, Shikulu. Paleni bonse abeminine ukushinguluka ifibumba, namucikulwa nokushinguluka, kuli abo abemishe amaboko yabo, nefyaba ngefyyo. Beni nabena, Shikulu. Nabeminina, nokulapusanya ifilundwa, muno nshita yabushiku. Lelo, beni abaluse. Fikilisheni ifi fintu.

¹³⁹ Bena e fisabo fya iyi i Mbila iinono iyakwangufyanya muno nshita yabushiku. Napepa ukutila ba malaika bakwa Lesa balacilenga ukuba icituntulu mumitima yabo, bena tekuti—tekuti balufyepo icili conse ica Ico. Kibili e fisabo, Nabapela kuli Imwe. Kibili Naimwe mubapele kuli Yesu, pantu fyabupe Fyenu ifya kutemwa kuli Imwe. “Takuli umuntu uwingabafumya mukuboko, pantu tapali nangu umo uwakula ukucila pali Lesa.” Kibili Napepa ukutila Mulebasunga bwino abacingililwa mpaka Yesu akese kuli bena.

¹⁴⁰ Lekeni bonse abashala bangufyanye, Shikulu, kibili bangufyanye, pantu i Mbila yakwangufyanya. Tufwile twafuma bwangu bwangu ilyo ubonaushi tabulaisa. Kibili nomba, Shikulu Lesa, Ndepepa ukutila Mwalatutumina Malaika Wenu, ulya Umo wine uwaikeli pamo na Abrahamu. Fikilisheni ico, Shikulu. Kibili alandile ico Sara alecita, mulya mwitenti. Kibili uyo ewali Malaika wa Cipangano. Uyo ewali Malaika uwaletele uluse ilyo umulilo taulapona. Ilingi iili yonse, umulilo kuti wapona nomba, utuntu utunono uto utwingonaula isonde lyonse muli fibili. Lekeni Ese muno nshita ya bushiku nokupela uluse kuli ifwe, Shikulu, pantu twaipusha ico mwi Shina lyakwa Yesu. Ameni.

¹⁴¹ Oh, palibapo icintu cimo pa Mbila nsumma iyakale iyapalwa, Ilemoneka kwati ilemikwesa. Nalitemwa Ico.

¹⁴² Lekeni twimbefye ulo umuku umo, “Panono kibili mukunakilila Yesu aleita.” Umuntu onse, lekeni twimyefye amaboko yesu kuli Ena. Bushe kuti mwacita ico?

Panono kibili mukunakilila Yesu aleita,
 Ukwita iwe na ine,
 Nangu twalibembuka, Nakwata uluse
 nokwelela,
 Ukwelela iwe na ine.

Isa ku ng'anda, isa ku ng'anda, (Isalilefy
 mukati pamo na Kristu nomba.)
 Imwe mwebanaka, iseni ku ng'anda;
 Mucishinka, mukunakilila, Yesu aleita,
 Aleita, O wemubembu, isa ku ng'anda!

¹⁴³ [Pali tepu tapali amashiwi—Kale]... abashatala abasangwa muli kumo ukulongana kwa bundapishi kunuma, lekeni tumone amaboko yenu. Abashatala abasangwa mukulongana? Ico cisuma. Ndi uwansansa nganshi ukukwata imwe pano.

¹⁴⁴ Nomba, Nshilelanda ukuba kondapa. Ndelanda ukutila Yesu tafwa, lelo Ali uwamweo. Nshili kondapa. Takwaba kondapa. Kristu alimyundapa akale. “Ukupitila mufipumo Fyakwe mwalyundepwe.”

¹⁴⁵ Lelo Ndefwaya ukwipusha imwe mwebeshile abapya icintu cimo. Nomba, limbi mulaya ku chalichi. Imwe mwebengi mwaimishe ukuboko kwenufyelilya, mwacimya ukuboko kwenu kwipepo, pakashita kanono akapitapo. Nga cakutila tawakwata ichalichi ico wasala, tulekusengela kuno ku Branham Tabernacle pano, apo umutemwika wesu Munyina Orman Neville, umuntu uwa bulesa uyo uufundisha icishili cimbi kanofye icine, ukufuma muli Baibele. Uli uwasengelwa kwsenge lyesu. Ifwefye... Tatuli cilonganino. Tulifye ichalichi pano, mwisenge. Tuli ba Methodisti, ba Baptisti, ba Presbyteriani, ba Pentecosti, ba Lutherani, twaba bonse. Twaba abena Kristu abatemwa iwe. Kibili tulepepa ukutila uli nokutusanga... Nga cakutila tawishile pano, ufwaye ichalichi icisuma kumwenu, kuncende imo, uko icine cine bashimikila i Mbila nsuma, kibili icakutila iwe kuti walishiwa no Mupashi wakwa Lesa.

¹⁴⁶ Konse konse, ukuya mucikulwa, muno nshita yabushiku... Nga cakutila Shikulu Yesu alibuka kubafwa, kibili Nimyeba Icine, nomba Lesa ali uwashingamwa pa Cebo Cakwe, ukucilenga ukuba ifyo. Mwamona?

¹⁴⁷ Oh, taufwile ukuba uwamwenso ukucetekela Cena. Ico kuti limbi caba ni Baibele, Cena e Cine, nangu Tacili i Cine. Nga cakutila Tacili i Cine, Cena e cikabepa icakulisha ico icalembwa, pantu Calikwata ama millioni ababepékwa. Naliminina, pamiku iingi, na Korani mukuboko kumo kibili Baibele mukuboko kumbi, ku cinso caba Muhammedi, kibili nokulanda, “Cimo cili icalungama kibili cimbi cimo cili icalubana. Lekeni Lesa, uyo uwaba Lesa umutuntulu, alande.” Mwitina. Takatale amilekelesha. Takatale amisha.

¹⁴⁸ Nomba, Shikulu Yesu, lintu Ali pano pesonde, imilimo intu Acitile, iyo twacambulafye, Alaile ukutila Ali nokwisa nakabili ilyo inshita yampela tailafika kabilo ali nokucita ifintu fimo fine. Atile Ali nokucita ico ukupitila mu Chalichi Cakwe. Nomba, Atile, "Ine Nine icimuti ca Mwangashi, imwe muli misambo." Nomba, Icimuti tacitwala ifisabo. Imisambo eitwala ifisabo.

¹⁴⁹ Nomba, nga cakutila akalimwa katwala ifipushi, kena kali nokutwala ifipushi. Nga cakutila akalimwa katwala amabilika, kali nokutwala amabilika. Nga cakutila akalimwa katwala amabilika, kali nokutwala amabilika. Nga cakuti cimuti ca myangashi, kuti catwala imyangashi.

¹⁵⁰ Nga cakutila cimuti cabwina Kristu, kuti catwala Kristu, u Mweo wakwa Kristu, imilimo yakwa Kristu. Mwamona? Nomba, imipashi yesu ifwile yabikwamo amaka ukupitila mucintu cimo.

¹⁵¹ Ndi uwansansa nganshi ukuba muli Ena, muno nshita yabushiku. Tamwishibe mwemukuni uunono, ifyo cilenga ukumfwa, ishibeni pano, Ndi nemyaka yakufyalwa amakumi yane na cine konse konse, umuntu umukalamba. Kabilo Nalishimikila pa myaka amakumi yabili na cine lubali. Amapeya yandi yaleya yalepona. Kabilo, oh, Ninjiluka ukutila Nshili ulya umulumendo munono uwaleteya impeta pano mu musebo. Lelo kuli icintu cimo ico Njishibe, Ndi mubomfi Wakwe. Kuti nafwaya ukukwata ico ukucila pali conse ico Naishiba. Cisuma nshi ico icintu icili conse cimbi cingacita?

¹⁵² Nalyesha ukuba uwacishinka kuli imwe mwebantu. Ninjesha ukucita ifintu fyonse ifyo Ningacita pakuba uwacishinka kabilo uwalungama uwacine, mukubapo kwenu kabilo namukubapo kwakwa Lesa, pantu Nalishiba ukutila Alamona pali ifwe inshita yonse. Nomba, nga cakutila Ine kuti...

¹⁵³ Nalamweba nomba. Iyi i Mbila inono muno nshita yabushiku, Nacesha ukuileka mulucelo, lelo Ndepepa ukutila Lesa alabula fyonse ifyashala pali ico mu mitima yenu. Angufyanyeni! Angufyanyeni! Angufyanyeni! Fumeni mu Babyloni, mukwangufyanyafe nga fintu mwiningacita. Mwiikala mwisonde. Fumeniko kufyabulamo amano. Fumeni! Fumeni pano, abantungwa, pamo na Kristu. Fumeniko kuli ifyo fintu. Tamwishibe inshita ukutila limbi teti pabe nangu cimo lelofyebunga ukushala pali lino isonde, ifimyelafye, kabilo nesonde ilyakale nalipomonwa mutupimfy. Nga cakutila kuti cacitika ilyo kuno ukulongana takulaisalwa, kabilo tekuti kulwishes Amalembo nakalya. Cena kutifye cafkilisha Amalembo. I Mbila nsuma yalishimikilwa. Kwaisa ne Mbila yakulekelesha.

¹⁵⁴ Nomba, tamufwile ukulolesha kufintu ifikalamba ifya kuntanshi. America alibembuka ukufuma ku bushiku bwakwe ubwa kusenamina. Ico nacilungama bwino bwino. Shileniko muli ba Baibele benu kabilo musange nga cakutila Ndi

uwalungama nangu uwacilubo. Aliba mukubwelela pesamba nomba pamyaka ibili.

¹⁵⁵ Billy Graham atile, pa mwikulo wakwe tapapitile inshita. Aimishe Baibele mu muulu. Atile, “*Uyu* e mulingo. Paulo aile mu musumba akwete uwapilibwilwe, aishilebwela umwaka wakankelepo asangile bali amakumi yatatu.” Atile, “Naya mu musumba kabili nakwata ukupuputulwa, paba pilibulwa amakana amakumi yabili, kabili naisa bwela mumyeshi mutanda kabili nakana ukubasanga limbi amakumi yabili.”

¹⁵⁶ Bwafya nshi? Kwalibafye isabi ilingi nganshi mucishiba. Kwalibafye abengi abo Lesa aishibe ilyo umufula we sonde taulabako, kabili bamwenwa libela ku Mweo wa Muyayaya. Lintu umo uwakulekelesha aisa ingila, ninshi ico capwa.

¹⁵⁷ Kwalifye ifyuni ifingi nganshi ifyaingile mubwato, ifingifye ifyalekana lekana inama shaile mubwato. Kabili neciibi caiselwe, na Lesa, kabili cashile shonse ishashala kunse, nangu shaeseshe ukutila shingile mukati.

¹⁵⁸ Kabili wemutemwikwa wandi cibus, nga cakutila tawaingila mukati, iwe ingila mukati nombaline, ilyo Lesa aleita, pantu ifiibi fyaluse kuti fyaisalwa ku Benafyalo, pansiita ili yonse. Nomba, kabili nomba ico Nalacita nomba, calaba... Ico Nalalandia nomba...

¹⁵⁹ Ninshi ninanda, kabili namashiwi yandi, nga cakutila Nalishimikila pali ba ora abengi, cena tekuti cipilibupe citika pamofye ngeshiwi limo ukufuma kuli Kristu wesu uwatemwikwa. Nomba, lelo cintu Nshimikile, limbi Ninanda ica Cine nangu icabufi. Nga cakutila Ninanda icabufi, Lesa tali nokukwata nangu cimo icakucita neco. Nga cakutila Ninanda Icine, Lesa ali nokwiminina kunuma ya Cebo Cakwe.

Nibanga abaletila? Peleni ifitupa amakumi yasano?

¹⁶⁰ Nalamilangisha umulandu tupelela ifitupa, lintu twakwata ukulongana ukwakulingulula. Nshilelanda ukutila Ali nokucita ico. Limbi tekuti acite. Lelo Ndefwaya imwe ukuba abacishinka pamo naine. Nibanga muno abengafwaya ukwisa mu mulonga nomba? Imyeniko amaboko yenu, nikonse konse mucikulwa, ponse apo uli. Bonse mucikulwa abalefwaya ukwisa mu mulongo, imyeniko amaboko yenu. Nomba kuti caba shani... Ninani wingaba uwakubalilapo? Mwamona? Tekuti mucite ico. Ifwe tufwile twapela ifitupa, pakutila twasunga u—umulongo.

¹⁶¹ Nomba, napela ifitupa amakumi yasano. Kabili lekeni twitefyen ukufuma ukuli konse, ukupitila muli ilyo ibumba lyafitupa, kabili ico calapela umuntu onse inshita iyakuba mu mulongo.

¹⁶² Nomba, tacili nico icicitika *pano*. Nico icicitika *pano*. Mwamona? Cena tekwikata ine. Cena, ku Mwikata. Nibanga abaishiba ukutila mu Cipangano Cipy, mwi Buuku lya Ba

Hebere, lilelanda nomba line, ukutila, "Kristu ni Shimapepo Mukalamba uyo uwingekatwamo ne myumfwile yafyabubi bwesu"? Ukuba, nimumusango nshi wingeshibilamo ukutila nau Mwikatamo? Ukupitila, Ena kulanda ukubwekeshapo, nga fintufye Acitile. Nga cakutila Aba cimo cine mailo, ileelo, no moyayaya, Afwile aisokolola Umwine eka cimo cinefyne nga fintu Acitile mailo no moyayaya. Eico, mwamona imbilia iyakulekelesha kuba Yuda nabonse, ifyo Acitile ico? Nomba iyi yakule....

¹⁶³ Nga cakutila Aisokolwele Umwine palwakwe munshila imbi, ukupitila mucilonganino, kuti Aba uushalungama. Taisokolwele Umwine palwakwe mucilonganino, pantu takwali icilonganino munshiku Shakwe. Aisokolwele Umwine eka ukupitila mumaka ayacilapo, nga fintu twacilanda mulucelo, kwati nge cilembo pa cibumba, ubupilibulo. Akwata bumo bwine ngo bwa mailo, ileelo, no moyayaya. Lesa abe pamo naimwe nomba.

¹⁶⁴ Acitila, "Umo ukufika pa makumi yasano." Cisuma. Ninani uukwete icitupa cakupepelwapo ica nambala ya cimo, bushe kuti waimyako ukuboko kobe. Lolesheni pa fitupa fyenu. Umuntu umu uuli mubusansi ubunono, nangu conse ifyo cingaba, kibili tekuti emeko, umuntu onse aloleshe pali kacitupa ca muntu umbi. Cena citupafye icinono. Nshiletontonkanya ifi naifikwata icikope candi pali fyena, nangufye. Cilifye citupa icinono apashili nangu cimo. Inambala ya cimo, ponse apo uli. [Munyina atila, "Pano pene."—Kale.] Cisuma. Bushe kuti waimininako apo uli, mukwai. Inambala ya cibili, bushe kuti waimyako ukuboko kobe. Namayo uuli apa. Inambala ya citatu, bushe kuti waimyako ukuboko kobe. [Pali tepu tapali amashiwi.]

¹⁶⁵ Tuli beni. Enshita yakubalilapo ukukumana nomba, mubwikashi, Ndesubila. Nomba, Shikulu Lesa naishiba ifwe bonse babilis. Naishiba fyonse palwa iwe, kibili Naishiba fyonse palwa ine. Lelo nga cakutila Ena, muluse Lwakwe, kuti aba uwingacita....

¹⁶⁶ Nga cakutila kuti Natila kuli iwe, "Oh, mukwai, naulwala. Kibili Ine...Iwe walapola." Iwe naukwata insambu ishakutwishi ico. Ilyo ibumba nalikwata insambu ishakukana kwata icakulanda, pali ico. Icine cine. Imwe mukwetefye ishiwi lyandi.

¹⁶⁷ Lelo nga cakutila Mupashi wa Mushilo aisa nokukweba icintu cimo ico acitile, icintu cimo ico Nshishibepo icintu nangu cimo, ifyo ico caba, ali nokwishiba nga cakutila ico e cine nangu iyo.

¹⁶⁸ Nomba nga cakutila Aishiba ifyo caciba, icine cine, nga cakutila cili icalungama, kuti Akweba ifyo cili nokuba, kibili ico cili nokuba icalungama.

¹⁶⁹ Ufwile wacetekela ico, Missisi Cox, bushe tekuti? Missisi Cox uwikele palya, elyofye Nacimumona ukufuma ku Kentucky, ukwisa pano. Uyo ni Missisi Woods... uuli pamo pa ncende muno chalichi, ba nyina bakwe. Ipwalonda lyalilya icinso conse, bali *muno*.

¹⁷⁰ Naleisa ndefuma ku north woods. Umukashi wandi anjatile, atile, "Nshatala monapo umuntu uuli onse uwalikwa nganmshi mu mweo wandi, nga—nga Missisi Woods." Kibili Mista na Missisi Wood nibacibusa bandi aba pamutima. Kibili Naiile kuli namayo, nafumine na EFYA SOSA SHIKULU. Ipwalonda nalifwa.

¹⁷¹ Palya, umwanakashi uwikele palya, tekuti ulande icili... Bushe kuti waimakofye, Missisi Cox, pakutila abantu bengamona. Ulubali lonse ulwamona wakwe na fyonse, fyali ifyalika nepwalonda, ukufika na kumenso yakwe. Pilibuka pakutila ibumba lingakumona kunuma kulya. Lyali lipwalonda.

Aba lyonse uwalungama. Tatala aba uwalufyanya.

¹⁷² Nomba, nga cakutila Shikulu Lesa wesi alasokolola kuli uyu munyina, leka abe e kapingula, nga cakutila Shikulu Lesa wesi alasokolola kuli ena ico akonkele pano. Nangu, icintu cimo kwati fintu Acitile ku mwanakashi pa... Nangu, nga fintu Engalandia kwati fintu Acitile kuli Filipi, lintu Natanaele amusangile... nangu Natan-... Filipi asangile Natanaele. Kibili alasokolola ico; bushe ime bonse mwalacetekela, bushe imwe mwebantu bonse mwalacetekela? Nga cakutila—nga cakutila umuntu naishiba ukutila Nshishibe nangu cimo palwa ena; kibili Ninjimyako namaboko yandi, Nshishibepo nangu cimo palwa ena. Naimyako amaboko yakwe, ukutila Nshamwishiha, nangu tanjishiba. Nomba nga cakutila Shikulu alasokolola ico, bushe imwe bonse mwalacipokelela, mwalacita ico? Nibanga? Imyeniko amaboko yenu, pakutila Ningamonafye. Nomba, Shikulu amipale.

¹⁷³ Nomba, mukwai, Njimininefye pano, ukulolela ukumona ico Alanjeba, eico imwe mwalaba bakapingula. Kibili nga cakutila umo umuntu kuti alolesha, umuntu naisala amenso yakwe, eico mwamona tekuti cibe icakubepa mu mano. Benifye namenso yenu ayaisalwa. Nga cakutila Shikulu Yesu... Nga cakutila Alasokolola ico, twalaba ama Mutotela.

¹⁷⁴ Lelo umuntu uwiminine ku cinso candi, cinshi akonkele pano, bwafya bwa kumupashi ubo alefwailapo ukumupepelako. Ico cacine. Nga cakutila ico nacilungama, imyako ukubo kobe pakutila abantu bengamona. Nomba bushe naucetekela? Nshamumonapo mubwikashi bwandi, lelo pano efyo cali. Icintu cimo cilasakamika amano yakwe. Nomba, ilyo Nalalanda kuli ena, ifingi fyalalandwa. Nomba beni abamucinshi.

¹⁷⁵ Cinshi ico ulya Malaika acitile? Apilibwile inuma Yakwe, kibili Atile, "Mulandu nshi ico Sara acisekela?"

Atile, "Nshaciseka."

Atile, "Oh, ee, waciseka." Pantu, ali nomwenso.

¹⁷⁶ Nomba nga cakutila ibumba kuti lyaumfwa ishiwi lyandi, ukupitila mufisoselo. Umwaume alemoneka kwati alefumako kuli ine. Namona umwanakashi naiminina. Ico e cintu icikalamba ico umuntu akonkele. Nipamukashi wakwe, kibili tali pano pamo na ena. Kibili nakwata ubwafya bwa canakashi, ubwafya bwa banamayo, kibili nakwata ubwafya nenuma yakwe. Ico e cine.

¹⁷⁷ Iwe taufumine muli uno musumba. Ufumine mu musumba umbi, uyo uuletwa Marysville. Ico nacilungama. Nomba kabiye ku ng'anda nokuyacisanga munshila ucetekelemo ico. Cili nokuba muli iyo nshila, mwi Shina ilyakwa Shikulu. Lesa akupale. Ako akatambala kakuminwe, tawakakabile ukubika pali ena; wacikakwata mwitumba lyobe palwa ena, lelo tawakakabile.

¹⁷⁸ Ninkwisha. Nshishibe ishina lyobe. Lelo niwe we mwanakashi uwaiminine pacibi cakunuma, ubushiku bumo, icakutila Malaika wakwa Shikulu aishile kuli ine, pamiku yobe iyakubalilapo pano pa tabernacle, kibili asokolwele icintu cimo icali inkama iyapwililika. Kibili walyundepwe, kwipwalonda. Ico nacilungama. Lelo Nshikwete ilyano ilyakwisha icilubene kuli iwe nomba. Nshishibe. Iwe nawishiba ico. Nshikwetepo ilyano ilyakwisha icilubene pamo naiwe. Lelo, nga cakutila Shikulu alasokolola ico, bushe walacipokelela? [Nkashi atila, "Ee."—Kale.] Ine . . .

¹⁷⁹ Tawishile pano kubwafya bobo. Uli pano pa mwana. Kibili uyo umwana alecululuka. Kibili nokucula kuli mu mungololo. Kwati, tekuti eminine, nangu icintu cimo icaba ngefyo. Kibili Ndemona abafyashi abaulya mwana, nabawkata ubulungu. Benia niba Katolika. Kibili bantu baupana abakalamba, ena, ifikolwe fyabo niba Katolika, pamo. Kibili iwe wiminineko umwana. Senda akatambala kobe akakuminwe nokubika pali ena. Taufwile ukutwishi, iwe walakwata ico wipwishepo. Nomba cetekela nomutima obe onse.

Ulecetekela?

¹⁸⁰ Ndeingililamo uyu namayo mweni kuli ine. Tuli beni kuli cila umo nomunankwe, lelo Shikulu Yesu natwishiha ifwe babili. Nomba apa pali icikope icapwililika. Pano pali icikope cakwa Yohane Washila 4. Umwanakashi wafita, umwaume wabuuta; muli bulya bushiku, cali mwina Samaliya, kibili nomu Yuda, imitundu ibili iya bantu. Yesu amulekele ukwishiha, mukwangufyanya, ukutila tapali ubulekano. Bonse tuli fibumbwa fyakwa Lesa. Mucalo ico twikalamo, ukucinja inkanda yesu, taikwete icintu nangu cimo icakucita neco. Lesa alefwaya abantu Bakwe ukuba muli iyo nshila. Apangile umuntu uwabuuta, uwafita, uwacinyamuti, uwamutuntula, uwakashika.

Abapangile muli iyo nshila. Uyo e mulimo Wakwe. Kibili Alitutemwa ifwe bonse. Lelo pano epali icikope icapwililika, abantu babili abashatala abakumanapo kunuma, kibili nomuku wesu uwakubalilapo, imitundu ibili iyapusana.

¹⁸¹ Nomba, Nailuka ukutila iwe walicetekela. Iwe uli mwina Kristu, pantu umupashi obe naupokelelwa. Kibili naulya Malaika umukalamba uwakwa Lesa tekuti apokelele icintu icili icalubana. Icine cine tekuti. Mwamona cilya icikope icili palya, ulya Malaika pali cilya icikope palya, lulya u Lubuuto ululi pamuulu palya Njiminine? Ico ecilekulenga ukumfwa munshila ueleumfwilamo nomba. Cileisafye pali iwe.

Pakashitafye akanono, Nkashi Gertie.

¹⁸² Cilemoneka ukuba icintu cimo, tekuti Mumone bwino namayo. Ee. Umwanakashi alecula nemibebe yamishipa. Alomfwa umishipa ukututuma. Alaponya nefintu. Ico nacilungama. Kibili nomba naukwata ubwafya bwa kumupashi ubo ulefwaya ukupwisha, pantu ulapepela pali ico panshita imo. Ico cacine. Kibili ukwete ukukalipa kwamafupa. Ndeku mona uleesha ukufuma pabusansi bobe, panono, ukucilapo munshita ya lucelo. Walikwata icintu icalubana mu mungololo, pamo, ubwafya bwamu mungololo. Ico ni EFYA SOSA SHIKULU.

¹⁸³ Nauncetekela ukuba kasesema wakwa Lesa? Naucetekela Lesa umowine uwaishibe Simoni ukutila kuti aishiba naiwe? Nga cakutila Lesa acisokolola, bushe calakulenga ukuba uwacetekela uwamaka, ukutila upokelele ico walapokelela? Bakwita, “Nanny.” Kibili neshina lyobe ilya kulekelesha niwe Johnson. Kibili wikala mu New Albany. Bwelela ku ng’anda nokuba uwaundapwa, mwi Shina ilyakwa Shikulu Yesu. Ameni.

Ucetekelefye.

¹⁸⁴ Bushe tuli beni kuli cila umo nomunankwe, namayo? Tulibeni. Ifyo fine—ifyo fine pakutila abantu bengamona, bushe kuti waimyako ukuboko kobe, nokutila, “Tatwaishibana. Abenifye...” Nomba Shikulu Lesa alitwishiba bonse babili. Kibili nga cakutila Alafikilisha ici icakwipusha mu mapepo, iwe walaba uwansansa palwa ico?

Nomba bambo pali imwe namutampa ukucetekela.

¹⁸⁵ Nomba, kuletwalilila ukumoneka umwaume uwabuuta kuli yuu namayo apa.

¹⁸⁶ Mwaume uwikele palya. Naukwata... Ico nacilungama, ikalafye apopene uli. Ukwete ubwafya bwanfyo. Naukwata ubwafya bwa munuma. Kibili naukwata ubwafya bwa mumala. Ico nacilungama. Nomba kabiye, naucetekela, kibili tacili nokukusakamika nakabili.

¹⁸⁷ Ucetekelefye. Nabecanya necicetekelo cobe ukucetekela ico. Nibanga abacetekela ico nomutima wabo onse? Nacilungama, nomba lolesha nokuba nomweo.

¹⁸⁸ Nga cakutila Shikulu Lesa wesu alasokolola ico kuli uyu umwanakashi, uyo uuli umweni kuli ine. Kibili natwimyako namaboko yesu, ukutila tatwatala atukumanapo, mukwishiha. Kibili nga cakutila Shikulu Lesa wesu alasokolola ici kuli uyu umwanakashi, kibili nokucita icintu cimo cine ico Acitile, ngo mwanakashi pa... Umwanakashi umwina Samaliya. Bushe imwe kuti mwacetekela ne mitima yenu, nomba? Ico kuti capwishishisha ico mukutwalilila, pamo naiwe?

¹⁸⁹ Mwamona, Ninkwata ukulongana ukuleisa. Mfwile naya mailo. Kibili Mfwile naya ku Virginia, pakulongana ukukalamba ukuleisa. Nshilefwaya ukuba uwanaka nganshi, ukwiminina pano. Nacilungama, Nalasendapofye inshita, pakashitafye akanono, pamo nomwanakashi. Kibili mucetekela.

¹⁹⁰ Onse untu uyo umwanakashi engaba, nakwata imfifi iyamoneka iyabipa iilemukonka. Oh, cena—cena bulanda. Elyofye wakwete ubwafya. Walufishe umwana, umwaice. Ico nacilungama. Kibili icintu cimbi, ulecushiwa no bwafya bwa cinamayo, ubwafya bwa cinamayo, kibili nobwafya bwa munuma. Kibili pamo naukwata icintu cimo icicitika kuli iwe, nga ukupona umutombo. Oh, nicipumpu. Ico nacilungama. Tawafuma muli uno musumba, nangu. Waabwihe umumana, ukwisa kuno. Wafuma ku Louisville. Wikala pa nambala, iitwa, 1754 mu West Oak Street. Ishina lyobe niwe Margaret Quinn. Nacilungama.

¹⁹¹ Shikulu Lesa, Kabumba wa myuulu ne nesonde, peleni kuli uyu umwanakashi ico alekabila, pantu Naipusha uyu umulwani, mwi Shina lyakwa Yesu. Ameni.

¹⁹² Lesa akupale, na mayo. Witewishika nakabili. Kabiye nokupokelela nomba ico wipwishepo.

¹⁹³ Wacetekela no mutima obe onse?

¹⁹⁴ Mulishani, mukwai? Uno emuku wesu uwakubalilapo ukukumana, Ndesubila. Bushe namucetekela Shikulu Lesa wesu ali pano ukubomba nokupela kuli iwe ifintu ifyo ulekabila? [Munyina atila, “Ee, Nddecetekela. Ninjishiba Ali pano. Ndjemumona Ena.”—Kale.] Natemwa ukushipa kobe. Kibili uli pano pa cintu icituntulu. Ulefwaya ukufumyapo ukunwa ubwalwa nokupepa fwaka. Ukuba, cafumapo pali iwe nomba. Kabiye, kibili umutende wakwa Lesa ube pamo naiwe kibili uipange wemwine ukucetekela. Lesa abe naimwe.

“Nga cakutila iwe kuti wacetekela, ifintu fyonse kuti fyacitwa.”

¹⁹⁵ Tulefwaya ukufumyapo ubo ubwafya bwa munuma? Kabiye kulya, ule Mulumbanya, kibili walacifumyapo. Kabiyeefye, ukucetekela ico, nomutima obe onse.

¹⁹⁶ “Nga cakutila kuti wacetekela,” Baibele itila. Ube nomucinshi. Ucetekela muco Lesa alecita ukuba ica Cine.

- ¹⁹⁷ Ninkwishiba. Nalakupepelakofye. Ninjishiba ubwafya bobe.
- ¹⁹⁸ Shikulu Lesa, beni abaluse kuli uyu umwanakashi kibili fikilisheni ici icakwipusha mu mapepo, pantu Naipusha ico mwi Shina lyakwa Yesu. Ameni. Nshileibukisha... Bushe ishina lyobe niwe Baker? [Nkashi atile, "Ee, mukwai."—Kale.] Ico nacilungama. Na—Naibukisha nomba. Lesa akupale. Twalililapo ukuya kuntansi nomba kibili Mucetekele nomutima obe onse. Nacilungama.
- ¹⁹⁹ Nshikwishibe, namayo. Tuli beni. Ico nacilungama. Ulefwaya ukulya icakulya ca cungulo bushiku, ukufumyapo ubo ubwafya bwamumala, ifyo ifilonda fyamumala ifyo wakwata yonse iyi inshita? Kabiye, uye ulye, nomba, kibili Yesu Kristu nakundapa.
- ²⁰⁰ Ninkwishiba. Kibili Ninjishiba nobwafya bobe. Tawishibe—tawishibe ukutila Nimbwishiba, lelo, Ni—Nimbwishiba. Eico pakuba icakutila nawisa pano pa tabernacle, Nshacilande. Lelo ukukalipa kwamumafupa kwalafuma pali iwe nga cakutila walacetekelafye ico. Twalililapo ukuya kuntansi. Lesa akupale.
- ²⁰¹ Natulande, "Ukutotela kube kuli Lesa." [Ulukuta Iwatila, "Ukutotela kube kuli Lesa."—Kale.]
- ²⁰² Iwe uli nomwenso, pamo. Naukwata ubwafya bwamu mala ebulekusakamika. Bushe ulecetekela ukutila Shikulu Yesu alakundapa? [Nkashi atila, "Nincetekela."—Kale.] Nomba kabiye, kibili umutende wakwa Lesa utushe utushe pali iwe. Ndefwayafye ukubika amaboko pali iwe, kibili nokucetekela ne mitima yesu yonse, ukutila Lesa alacicita.
- ²⁰³ Ndi mweni kuli iwe, Ndesubila, namayo. Bushe walunjishiba? Ulesa pano pa chalichi? Ulacita. Nshatala nkumonapo. Pantu, abantu abengi balesa mukati. Nacilungama. Kabiye, ulecetekela, ukutila ubwafya bwa bunamayo bwalafuma pali iwe, ubwafya bwaba namayo ubo wakwete. Bushe naucetekela? [Nkashi atila, "Ee."—Kale.] Nacilungama, nomba kabiye, kibili Lesa alaba pamo naiwe nokukwafwilisha, Ninshininkisha.
- ²⁰⁴ Bushe namucetekela, mukwai? Namucetekela ukutila Shikulu alafumyapo ukukosa pali imwe, nokumilenga ukupola, kukukalipa kwa mafupa? Bwelelenimo ukupita palya, uku Mutotela, noku Mulumbanya pali ico, nomba imwe mwalaba abalungama.
- ²⁰⁵ Namusakamana pabwafya bwakumfwa umwenso nokusakamana, bushe teifyo, namayo? Uyo mwenso wakumano. Ulaba uwanaka icine cine, ulacula ne fyakukwikataikata, ukucilapo munshila yamu cungulo kasuba. Nangu ni Satana alikweba ukutila uli nokufulungana. Ico nacilungama. Lelo bufi. Walaundapwa. Tacili nangu cimo lelo ninshitafye iya bwikashi iyo ulepitamo. Ninshita imo iyakuleka ukuba necilopa. Umwanakashi onse alesa mukufika pali ico. Lelo walabafye bwino nomba. Bushe wacetekela ishiwi lyandi? Nomba kabiye,

nokutotela Lesa, kibili uleimba inyimbo nokusangalala, kibili ube uwaundapwa.

²⁰⁶ Nacilungama, namayo. Ndi mweni kuli iwe, pamo. Icintu cimo icakusekesha, lintu Nalandile ico kuli ena, cafumine pali iwe panshita imoine, pantu bwino bwinofoye ubo ebwaciba ubwafya bobe, ukumfwa umwenso nokusakamana. Nomba kabiye pabulendo bobe, nokucetekela nomutima obe onse, kibili walapola. Ameni. Kabiye nokucetekela nomutima obe onse.

²⁰⁷ Ninkwishiba, namayo. Ninjishiba icinso cobe, lelo Nshishibe... Naucetekela ukutila Lesa alakundapa? Naishiba untu uli nomba. Uli namayo uwisa pano pehema. Naucetekela Lesa alakundapa? Lekafye nkupupeleko.

²⁰⁸ Shikulu Lesa, Kalenga wa myuulu ne sonde, mundapeni mwanakashi, Napepa, mwi Shina lyakwa Yesu. Ameni.

²⁰⁹ Tamufwile ukutwishika. Nimfilwa ukutontonknya peshina lya mwanakashi, lelo Nimwishiba ena...

²¹⁰ Nga imwe mwebantu mwebali pano mwibumba? Bushe namucetekela? Nomba ikaleni tondolo. Beni abamucinshi icine cine. Muli iyi intunga *pano*, umuntu umo. Ndebecanya necicetekelo cobe, mwi Shina lyakwa Yesu Kristu, ukucetekela ici.

²¹¹ Namayo uwafita naimyako amaboko yakwe, palya. Bushe naucetekela, namayo, ine ukuba umubomfi wakwa Lesa? [Nkashi atila, “Ee, mukwai.”—Kale.] Nga cakutila Lesa asokolola kuli ine ubwafya bobe ifyo buli, bushe walapokelela ico? [“Ee, mukwai.”] Ulefwaya ipopo pali iwe palobe napali ulya umukashana munono. Pamenso yobe, nawikala palya. Ico nacilungama. Bika ukuboko kobe pa mwana, kibili cetekela nomutima obe onse.

²¹² Shikulu Lesa, Napepa ukutila balapokelela ico, mwi Shina lyakwa Yesu. Ameni.

Bushe namucetekela?

²¹³ Kuli Malaika uwakwa Shikulu uwiminine pali uyu muntu wamutwe wafita. Ni—Nincetekela alesa pano pa chalichi, nangu. Nshili uwashininkisha. Mukwai, nga cakutila Nalikewishiba, Nshishibe ico icilubene pamo naiwe, kano Lesa asokolola ico. Lelo luse Lwakwe lumo ulwakwiminina pano. Kibili naukwata i—icilonda palukasa, kulukasa kwakukuso. Ico nacilungama. Icicetekelo cobe—cobe nacikata pa cintu cimo.

²¹⁴ Nga palwa iwe, kuli ishi imbali, bushe namucetekela? Kwateri icicetekelo, nomba. Mwitwishika.

²¹⁵ Pano, namayo uwikele pano nafwala necisote cafita, namakalashi nafwala. Nakwata icitupa cakupepelwapo, iwe namayo? Bwino bwino kunuma yauyo umulumendo munono palya, pampela yamulongo, iwe! Bushe naukwata icitupa cakupepelwapo? Taukwete icitupa cakupepelwapo. Busbe

nauncetekela ukuba kasesema wakwa Lesa? Nga cakutila Lesa alasokolola kuli ine ifyo ubwafya bobe buli, bushe walapokelela ico? Naukwata ubwafya bwaku mutima. Uyo emulume obe uwikele mupepi naiwe, kabili nakwata ubwafya mufiputulwa fyamu mubili. Nomba nokucetekela.

Ninani ale Mucetekela?

²¹⁶ Nga palwa uyu umuntu wafita uwikele pano? Bushe namucetekela, mukwai? [Munyina atila, “Ee, mukwai.”—Kale.] Nauncetekela ukuba umubomfi Wakwe? [“Ee.”] Ulafwaya amapepo, bushe teifyo? [“Ee.”] Nga cakutila Lesa alasokolola kuli ine, ukufuma ukwisa kuli ine, bushe naumucetekela Ena... ukutila walacipokelela? [“Ee.”] Naukwata ubwafya bwa myona ukushinka. Kabili naukwata apalepuka. Ico nacilungama.

²¹⁷ Nga palwa uuli onse mulya, bushe namucetekela?

²¹⁸ Kuliko umwanakashi umbi uwafita uuli kunuma yaayu namayo kuno kunuma. Nawimyako ukuboko kobe, nkashi. Ulefwayapo icintu cimo ukufuma kuli Shikulu? Bushe nauncetekela ukuba umubomfi Wakwe? Bwafya bweshiwi, ulo ulecula nabo. Ico nacilungama. Naucetekela Nakuposha?

²¹⁹ Ukufumafye pali imwe kulya, mwebaleolesha kumbali, ukufumafye kuli imwe kulya pampela ya mulongo; pa muntu umo, babili, batatu, bane, basano abantu, ukubwelela palya. Namukwata ubwafya bwa pamukoshi. Bushe namucetekela ukutila Lesa alamyundapa?

²²⁰ Nga palwa kubwelela pano kunuma? Umuntu uwikele pampela ya cipuna, ukubwelafye mu mulongo pano. Naukwata ifilonda fyamubula ubukalamba. Ico nacilungama, mukwai. Bushe naucetekela ukutila Lesa alakundapa? Nomba imininako nokucipokelela, mwi Shina lyakwa Shikulu Yesu.

²²¹ Lesa akupale. Nshatala kumonapo iwe. Iwe uli mweni kuli ine. Lelo Lesa alikwishiba.

²²² Mwaceteleko ico, cila umo pali imwe? Bushe namucetekela ulya Malaika umowine uwakwa Lesa uwaishile kuli Abrahamu, muluse, Uwaishibe ifyankama fyamatontonkanyo yakwa Sara, Umo wine uwaiminine pe sonde nokwishiba ifyankama ifyamatontonkanyo ya mano, bushe tamulecetekela ukutila Ali pano nomba? Lesa umowine, ilyofye isonde talilapya nakabili mukonaulwa, bushe tamulecetekela ukutila Ali pano? Nomba lekeni tu Mupokelele. Tumucetekele Ena. Lekeni tu Mubule nga kondapa wesu, nombalile. Nibanga pali imwe abacetekela ico?

²²³ Nibanga pali imwe icine cine abacetekele? Imyeniko amaboko yenu. Nomba, biken, amaboko yenu pansi.

²²⁴ Baibebe yalande ici, “Ifi ifishibili fikabakonka abo abacetekela.”

²²⁵ Bikeni amaboko yenu pali umo nomunankwe, nomba, nga cakutila mwalicetekela. Iwe pepelako umuntu uukonkelepo

pali iwe. Kibili naumo uukonkelepo pali iwe, ukupepeleko uyo bapepeleko. Cila umo pali imwe, pepelako umo nomunankwe nomba, monse muncende mucikulwa. Ndebecanya neci icicetekelo.

Namayo uuli palya nobulwele Ntanda Bwanga, labako kuli ico. Naundapwa.

²²⁶ Iwe weuli nobwafya nepwalonda lya caume, wewikele palya, mukwai, ulema munshita sha bushiku. Labako kuli ico. Taufwile ukulacita ico nakabili. Lesa akupale.

²²⁷ Ndebecanya naiwe ukubombapo umulimo wakucetekela. Bushe ulacita ico? Nomba pepeni, cila umo pali imwe, munshila yenu. Bika amaboko yobe pa muntu umo nokupepelako umuntu umo uupaleme kuli iwe, ilyo Ndepepelako imwe bonse.

²²⁸ Shikulu Lesa, Kabumba wa myuulu na pesonde, kacita wa Mweo onse uwa muyayaya, kapela wa cabupe conse icisuma, tumeni u Mupashi Wenu nombaline pali aba bantu.

²²⁹ Nasusha imilimo yakwa, pantu ciwa nasokololwa. Satana, tekuti ubekatilile nakabili. Icicetekelo cabo cileya cilekulwa, kibili nabekatana amaboko yabo. Kibili Ndebecanya naiwe, ukutila naulusa ubulwi, no bupingushi buli mupepi. Fuma muli bena, mwi Shina lyakwa Yesu Kristu. Fuma pali bena, mwi Shina lyakwa Yesu.

²³⁰ Bushe namu Mucetekela? Imyeniko amaboko yenu kibili Mupeni ukulumbanya pa bundapishi bwenu. Nga cakutila walilemana, imininako pa makasa yobe; Kristu nakundapa. Nga cakutila walilemana, walikwata amaboko ayalemana, yemyeko mu muul; nacipwa conse.

Pano pali umwanakashu uwalemana, naimininako.

²³¹ Shikulu Alumbaniwe! Natutile, “Shikulu Alumbaniwe,” umuntu onse. [Ulukuta lwatila, “Shikulu Alumbaniwe!”—Kale.] Ameni.

Munyina Neville. 

58-0309E Bushe Ichalichi Cili Nokuya
Ilyo Ubucunshi Bukalamba Tabulaisa?
Branham Tabernacle
Jeffersonville, Indiana U.S.A.

BEMBA

©2025 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti ly a lembwa pali pulinta yapa ng'anda ku kubomfy a kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembulwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfy a ku kulomba indalam a ukwabula insambu shalembwa na ba Voice Of God Recordings®.

Nga mulefwaya ukwishesibilapo nafimbi nangu ukufwaya na fimbifiyabapo, twalomba tumeni kuli ba:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org